

Na osnovu člana 37. Okvirnog zakona o predškolskom odgoju i obrazovanju u BiH („Službeni list BiH“ br. 88/07), člana 48. Zakona o predškolskom odgoju i obrazovanju KS („Službene novine KS“ br. 26/08, 21/09, 33/21 i 31/22), čl. 27., 29. i 30. Uredbe sa zakonskom snagom o ustanovama („Službeni list R BiH“ broj: 6/92, 8/93 i 13/94) i čl. 41.- 45. Pravila JU „Djeca Sarajeva“ Sarajevo broj: 06-01-5/22 od 25.04.2022. godine, te Odluke Upravnog odbora broj: 01-01-51/26 od 17.03.2026. godine, Upravni odbor Javne ustanove „Djeca Sarajeva“ raspisuje

**JAVNI KONKURS  
ZA IZBOR I IMENOVANJE DIREKTORA JAVNE USTANOVE  
„DJECA SARAJEVA“ SARAJEVO,  
NA PERIOD OD 4 GODINE**

**I - UVJETI ZA IZBOR**

Kandidat za direktora Javne ustanove „Djeca Sarajeva“ Sarajevo mora da ispunjava sljedeće opće i posebne uvjete:

**1. Opći uvjeti:**

- a) da je državljanin BiH i da je lice starije od 18 godina,
- b) da ima Univezitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje I ciklusa Bolonjskog sistema studiranja sa najmanje 240 ETCS bodova;
- c) da je zdravstveno sposoban za vršenje određenih poslova predviđenih za to radno mjesto;
- d) da nije otpušten iz državne službe kao rezultat disciplinske mjere na bilo kojem nivou u BIH u periodu od tri godine od dana prijavljivanja na Javni konkurs;
- e) da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona može izreći kazna zatvora u trajanju od 3 mjeseca i više;
- f) da se na njega ne odnosi član IX stav 1. Ustava BIH (lica koja služe kaznu zatvora ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred tribunalom).

**2. Posebni uvjeti:**

- a) stručna sprema iz oblasti predškolskog odgoja i obrazovanja, fakultet humanističkog smjera ili fakultet društvenog smjera;
- b) da ima najmanje VII stepen stručne spreme, odnosno da je nakon okončanja I ciklusa Bolonjskog sistema studiranja stekao najmanje 240 ETCS;
- c) da ima najmanje 5 godina radnog iskustva koje podrazumijeva rad na poslovima odgoja i obrazovanja sa VI ili VII stepenom stručne spreme, odnosno iskustva stečenog nakon okončanja bolonjskog studija najmanje 180 ili 240 ETCS;
- d) da se naročito ističe svojim radom u organizaciji odgojno-obrazovne djelatnosti, pedagoškoj teoriji i praksi;
- e) položen stručni ispit za obavljanje odgojno-obrazovnog rada;
- f) da nije osuđivan za krivično djelo i privredni prijestup nespojiv sa obavljanjem dužnosti direktora;
- g) da nema privatni finansijski interes u ustanovi u kojoj se kandiduje za direktora;
- h) da nije lice koje boluje od duševne bolesti, da nije alkoholičar odnosno ovisnik o opijatima;
- i) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u FBiH i Zakonom o ministrarskim, vladinim i drugim imenovanjima FBiH;
- j) da lice nije razrješeno dužnosti zbog dokazanog kršenja zakona, korupcije, mita, nepotizma, profesionalne nekompetentnosti i nemara, nesavjesnog i nestručnog obavljanja poslova direktora.

## II - SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu kopiju):

- a) Svojeručnu potpisanu prijavu na Javni konkurs sa kontakt podacima (ime i prezime kandidata, adresa stanovanja, broj telefona i e-mail adresa) i tačno navedenom dokumentacijom koja se prilaže na Javni konkurs. Obrazac prijave kandidati mogu preuzeti lično u sjedištu Javne ustanove ili na zvaničnoj web stranici Javne ustanove;
- b) biografija kandidata (CV), sa razvojnim planom ustanove za mandatni period;
- c) uvjerenje iz matične knjige rođenih,
- d) uvjerenje o državljanstvu (ne starije od 6 mjeseci),
- e) diploma o stečenoj stručnoj spremi ili diploma i dodatak o stečenoj stručnoj spremi po Bolonjskom sistemu studiranja,
- f) uvjerenje o položenom stručnom ispitu za samostalan odgojno-obrazovni rad,
- g) potvrda ili uvjerenje o radnom iskustvu
- h) rješenje o ocjeni ili sticanju višeg stručnog zvanja,
- i) izjave ovjerene od strane nadležnog Općinskog organa, kojom kandidat potvrđuje sljedeće:
  - da je kandidat zdravstveno sposoban za vršenje određenih poslova predviđenih za to radno mjesto;
  - da kandidat nije otpušten iz državne službe kao rezultat disciplinske mjere na bilo kojem nivou u BIH u periodu od tri godine od dana prijavljivanja na Javni konkurs;
  - da kandidat nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona može izreći kazna zatvora u trajanju od 3 mjeseca i više;
  - da se na njega ne odnosi član IX stav 1. Ustava BIH (lica koja služe kaznu zatvora ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred tribunalom);
  - da kandidat nije osuđivan za krivično djelo i privredni prijestup nespojiv sa obavljanjem dužnosti direktora;
  - da kandidat nema privatni finansijski interes u ustanovi u kojoj se kandiduje za direktora;
  - da kandidat nije lice koje boluje od duševne bolesti, da nije alkoholičar odnosno ovisnik o opijatima;
  - da kandidat nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u FBiH i Zakonom o ministarskim, vladinim i drugim imenovanjima FBiH;
  - da kandidat nije lice razriješeno dužnosti zbog dokazanog kršenja zakona, korupcije, mita, nepotizma, profesionalne nekompetentnosti i nemara, nesavjesnog i nestručnog obavljanja poslova direktora.

## III - DOSTAVLJANJE PRIJAVA I TRAŽENIH DOKAZA

Javni konkurs će biti otvoren 15 (petnaest) dana od dana objavljivanja u Službenim novinama Kantona Sarajevo.

Prijave sa traženom dokumentacijom se dostavljaju na protokol Ustanove ili preporučenom poštom u zatvorenoj kovrti na adresu:

Javna ustanova „Djeca Sarajeva“, Sarajevo, ul. La Benevolencija br. 4, 71000 Sarajevo,  
sa naznakom "Prijava na javni konkurs za izbor direktora Javne Ustanove „Djeca Sarajeva“ Sarajevo - Ne  
otvaraj".

#### **IV – NAPOMENA**

Nepotpune i neblagovremene prijave kandidata, fotokopije dokumentacije koje nisu ovjerene kao i izjave kandidata koje nisu ovjerene od strane nadležnog organa, neće se uzeti u razmatranje.

Upravni odbor će u roku od 10 (deset) dana od dana utvrđivanja liste kandidata koji ispunjavaju uvjete za izbor i imenovanje direktora ustanove, u pisanoj formi putem pošte obavijestiti kandidate koji ispunjavaju uvjete o datumu i terminu održavanja intervjua koji će trajati do šezdeset minuta na kojem će se kandidati predstaviti Upravnom odboru i usmeno prezentovati razvojni plan ustanove za mandatni period. Ukoliko se kandidat ne pojavi na intervjuu smatra se da je odustao od konkursne procedure.

O rezultatima konkursa kandidati će biti obaviješteni u roku od 8 (osam) dana od dana donošenja odluke o imenovanju, u pisanoj formi putem pošte na adresu navedenu u prijavi.

Ljekarsko uvjerenje (ne starije od 6 mjeseci), izdato od nadležne zdravstvene ustanove, izabrani kandidat dostavlja ustanovi nakon imenovanja za direktora ustanove.

Uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona može izreći kazna zatvora u trajanju od 3 mjeseca i više, te uvjerenje da kandidat nije osuđivan za krivično djelo i privredni prijestup nespojiv sa obavljanjem dužnosti direktora, bit će pribavljeni po službenoj dužnosti za izabranog kandidata.

Nakon dobijanja saglasnosti od Vlade Kantona Sarajevo, Upravni odbor vrši imenovanje direktora u roku od 8 (osam) dana.

**PREDSJEDNICA UPRAVNOG ODBORA**  
  
**Senada Jusić - Dučić**